

إيهاب عجيز

أنا اتولدت فقير

شعر

الطبعة الأولى يناير 2020

بطاقة الكتاب

عنوان المؤلف	أنا اتولدت فقير
المؤلف	إيهاب عجيز
التصنيف	شعر
رقم الإيداع القانوني	3823 - 2020
الترقيم الدولي	978-977-6771-50-9
رقم الإصدار الداخلي	587 الطبعة الثانية ديسمبر 2019
عدد الصفحات	100 صفحة

جميع حقوق الطبع والنشر محفوظة للمؤلف، ولا يحق لأى دارنشر طبع ونشر وتوزيع الكتاب أو ترجمته أو الإقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



مؤسسة
النيل والفرات
للطباعة والنشر والتوزيع
أسسها الناشر ناجى عبد المنعم
حزق 2007

رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 - 020554372901 طيفاكس:

الناشر ناجى عبد المنعم nagyegy200064@gmail.com

مجلس إدارة النيل والفرات alnilwaalfourat@gmail.com

المقر الرئيسي: ج.م.ع محافظة الشرقية - العاشر من رمضان - مجاورة 13 - أمام سنتر الـ 13 - قمار 304

إهداء

الى زوجتى الحبيبه ونصفى الحلو
الى ابنائى وقررة عينى
فاتن وصلاح الدين ونوال احبكم بحجم السماء
فقد تحملتم غربتى عنكم تاره
وانشغالى عنكم بكتابة اشعارى تارة اخرى
ما كان بوسعى الا ان اهديكم ثمرة فكرى ديوانى الثانى
(انا اتولدت فقير)

انا ذنبى ايه

انا ذنبى ايه ...

انى اتولدت فقير

مش قولت لك ...

يوم ما اتولدت ما كنش عيد

كتر العيال ...

فى الدار ماخلى حد سعيد

يجى العيد يروح العيد

لا عشت زى الولاد

ولا شفت لبس جديد

الناس تنام ع الذهب

وسريرى حديد فى حديد *

ثورة 25 يناير

تلاتين سنه ظلم

تلاتين سنه فقر

تلاتين سنه جوع

وضهر موجع

وشعب مخدوع

ومصر حبيبتي تتعري قدامي

يشوفها القاسى والدانى

وصوت القدس بينادى

ثورة مصر يا ولادى

حكومتى سرقت كل شىء ليا

سالبت نهبت كل شىء فيا

افكارى وارائى

و افراحى ... اوراقى

واشعارى ... وديوانى

رمتنى فى غربه ...

من وسط اطفالى

سرقت منى وجدانى

وسابت ليا احزانى

وانت يا مصر اللى شيفانى

وعرفانى ... وحفضانى

انا لا كنت يوم عاصى

ولا اتمرضت على دينى وقرانى

ومنين ما يمر يومى المر ...

فيك اكون راضى

وتحكمى بامرك

وانا لا شفت محكمت

ولا سمعت لك قاضى

تقولى اصبر ...

مانيش ايوب عشان اصبر

ولا معصوم عشان اصمت

ولا نيش نبى...

ولا {يوسف الصديق}

الى عاش فيك السبع العجاف

ما انا ثلاثين سنه ...

بتغطا فى بردك بنص لحاف

وواكل لقمتى حاف

ثلاثين سنه بدرس ...

فى علمك لعلمك

ولا شفتش معالمك

لا شفت اهرامك

ولا دقيت على دارك

لا شفت خوفوا ولا مينا

ولا لفيت فى اراضينا

و {رب} الكون لحد اليوم

انا ما اعرف طريق سينا

ولا لفيت فى اراضينا

حتى بور سعيد ...

الى بينى وبنها خطوتين ...

قفلت فى وشى البيبان

وقالت لى رايح فين

وانا الثوره ...

وبن الثوره

انا الفخر وانا العزه

انا النهضه وانا العبره

انا المصرى ...

الى هز العالم بصوته

انا المصرى

الى هد الظلم...

بصبره وصموده
وانا اللي لون الوطن ...
علمه على خدوده
انا اللي صد ...
رصاص هاما بصدرة
وانا اللي طفى للظلم
شمعته وفرحه
وانا اللي ضمد للوطن جرحه

ايوه عسكر

انا عسكر ...

فوق رؤسهم انا عسكر

بين عيونهم انا عسكر

لما اضحى بحياتى لجل تحيا

انا عسكر

لما اصون ارضك وعرضك

انا عسكر

فجرونى ع الحدود ...

او فى المعسكر

فجروا مسجد كنيسه

اقتلوا { محمد وعيسى }

اللى يشرب دمي يسكر

انا عسكر *

الاسعار

منين اجيب عفاريت
تهز عرش السوق ...
وتنزل الاسعار
هاتوا لى بس (بلايل)
يطلع على المادنه ...
ويناشد الكفار
وهاتوا لى سيف (النبى)
و ابو (بكر) ويا (على)
و جيشهم البطار
نقطع رؤس الكفر
ونحارب الفجار
سوق النخاسه فتح
و كباره صبحوا صغار
وبقيننا لعبه خلاص
فى قبضة التجار *

مكالمه ام الشهيد (ايمن عطيه)

الو .. الو.. الو

ابنى ...

اليه ليه طالت الرنه

و ف عقلى ذادت الونه

وقلبى داقته ذادت

هشرب قهوتى المره ...

ولا المر بزياده

الو ... الو

لا موش هو ..

لا صوته هو

حبيب امك ... حبيب امك

يا نبض القلب من جوه

صحيت

صباح الخير ...

يا وش الخير يا اماى

صحيت نويت صيامى ...

وصليت فرضى

واقف فى واجبى ...

على مدفعى ودانتى

باحب الوطن يا اما

وبعد الوطن انت

ابنى ...

ع الوطن خليك حريص

خليك قوى ...

خليك عنيد

لا تعيش بطل لا تموت شهيد

موش عاوز اموت ...

انا عايز اعيش

واحملك يا سينا ...

و شيخ زويد و العريش

ولو هموت ...

خلينى اموت

و التلغ يا اما بالعلم ...

وعليك افوت

الغيره تطلع م التابوت

يحيا الوطن واحنا نموت

يحيا الوطن و احنا نموت

كلام امى

واحشنى كثير كلام امى
وضحكة قلبها الصافيه
ولما اقول لها اروح
تقول لاء يمين بيمين
غداك عندى والعافيه
ولو هتروح يجن جنونى
وامشى فى البلد حافيه
ومين هرد لى دينى
كبرت ياوواد ...
وقوه باصوم ثلاثينى
تعالى بس واحكى لى
عن الغربه وهد الحيل
فى بعدك يابنى شوفت الويل
وليه غربتك طالت عن الاول
مش كنت هموت عمول
مش كنت هموت عمول*

حب الرسول

من الاول ...

وم الاخر

عشان الكل يتفاخر

سبوا النبي الخائنين

العيب ماهوش فيهم

العيب على ...

الطالعين و ع النازلين

وع الشاربين و ع الواكلين

وع القاعدين و ع النايمين ...

فى بلادهم

العيب على اللى ما علموا ...

حب النبي لولادهم

عند اليهود سب الانبيا غيا

وانا بدينى ...

دايس على رقابهم

و مالهم ديه

من حبنا النبي ...

جن الجنون فيهم

لاشفنا فيهم شريف

ولا عفيف ليهم

دين اليهود ...

بيحلل ما بيحرم

واحنا اللي صومنا

تاسوعه وعاشوره فى محرم

وكل لسنا عندنا ...

ذكرالنبي ع النار يتحرم *

صحوۃ ضمير

سألتنى بتحبنى

انا قولت اه

قالت

طب اد ايه

قولت لها اد عنيه

لا اد نبض القلب

بس اكرر شويه

اد ما هواك داعب ...

شراعى بمركبك

واد موج البحر يا حلوه

ما حاول يغلبك

واد كل العاشقين ...

المزروعين على سكتك

بحبك ...

وانا اللي باكتب لك

من قلب

لا من نبض شاعر

دابت عيونه الدبلانين ...

من نظرتك

وانا اللي بابعت لك رسائل

مكتوبه بالدمع اللي

بحبك بحبك بحبك

(2)

فسألتها انت ليه حباتيني

قالت ...

لأنك تشبه حبيبي الاولى

اشبه حبيبك الاولى

هو مين يا بنت ...

م الحب اصبح ولى

لو كنت حلوه وجميله

فست البنات عندي

عدى ولا تعندى

تايه ليه منى الحروف

قلبي اللى كان مليون امان ...

ليه مسه خوف

اشبه حبيبها او قريبها

او اكون انا (الخروف)

هكسب صوابها ...

وارد لهفة قلبها

هشرب نبذها ...

واسكر الليله فى حبها

انا لها هبوس (مشمش) خدها

واداعب ضفاير شعرها

الليله الشمس ويا القمر...

و ما فيش كسوف

راح نرقص على دق الدفوف

ضحكت

قالت لى عيب استحى

فانا رجل لا يستحى

وشطانها يهمس فى الويدان

انسى بقا صوت الادان

انقض وضوءك
ارمى شال المشيخه
لم سجاده الصلاه
علق السبحه ...
الموروته من ابوك
على مسمار كبير ...
مدقوق فى جدار الزمن
ملعون ابوك ...
لو سقت فيها المشيخه
عهد النبوه قد انتهى
فى حضرت النسوان ...
وجاى توب هنا
نامت واستدلت ...
ستائر شعرها فوق الوساده

قالت احبك يا فتى ...

وساقتك بطرف اللسان حلاوه

نزعت ثيابها وقضدت ...

قميصك مرتين

وقالت هايت لك

هى اختارت تكون

وانت كون او لا تكون

وصورة امى بتشاور لى

وهى واقفه فى ضل ابويا

ارجع يا واد...

السكه واعره ارجع بقى

سكة النسوان ندم

هحنا اتخلقتنا من عدم

افتكر مره ابوك ...

اللى عاش العمر كله

شايلى القرآن فى صدره

الذنب دين ومين يسده

عيد وضوءك ...

افتح كتاب (الله)

اقرا (الله الصمد)

كن كما (يوسف) صمد*

لو بحرك مالهمش حدود

انا ليا (100) مينا

وعندى شجر التوت ...

مزروع فى اراضينا

الناس شارونا بدهب

لما انت بعثينا*

البنيت كانت معانده

عاوزہ فی الصلح وردہ

او کلمتین بساط

وافرش لها البساط

ورد وعناقید محبہ

آسف حبیبتی

باقولها من قلبی الغبی
مخلوق فقیر ...
ولا عمری كنت فی يوم غنی
لا ملکت انی اکون امیر ...
لجل اسعدک ...
ولا اکون لك القلب الوفی
کل الی عندی یا دوب ...
حبه من ضمیر
موروثه من جدی الولی
مین الی قال انی نبی ...
وجیت لك فی توب الانبیا
انا كنت رمیو فی حینا
صوری علی کتب البنات
لفه معاها الاندیة
کاتب جوابتی
علی ضی شمعۃ حینا
کاس الغرام ملیان ...

نبیذ من شهدنا
ویوماتی فی الحب
كنت اسکر هنا
عشائک انت ...
کرهت ابله الحساب
وکل شیء جواه حساب
وقفلت باب المدرسه
کتبت على کل صفحات الکتاب
اسف حببتی ...
باقولها من قلبی الغبی*

سوريا

القيامة فى سوريا قايمه

و النار هبت فى حلب

فى نشرة الاخبار...

بنشوف العجب

جسد بيجرى بدون راس

و طفل مولود بالخلاص

و الدعا مش مستجاب

ملعونه كل الانظمه

ملو الكاسات من دمنا

دمنا الغلابه الابريا

فينك يا عهد الاوليا

ماتوا كل الاوفياء

والحرائر تغتصب

النار هبت فى حلب*

صورة الحبيب

كان نفسى بجد ارسمها
لكن قلبى ...
كان رافض وموش قادر
وكل ما تيجى سيرتها
يقول فاكر
انت اللى كنت فدادنها
وورد ريحان فى بساتنها
زرعت شوك
وجمعت زرعها بايدها
نسيت حبها و دينها
نفسى بجد ارسمها
واحد تانى ملامحها
فاموش قادر
اعيد القاره من تانى
عشان قلبى يكون مجنون*

الى حبيبتي ام اولادى

هاتى ايدىك مديها...

سنين عمرى وانا مستنى

تعدى السكه قدامى

تدوبى تلج ايامى

تسلبى فكرتى منى

سنين وامى

بتدعى لى وتتمنى

تقول لى يا واد ...

كبر سنك

ونفسى ببنت حلال

تملى علينا الدار

تجيب لك عيل
وتشيله مع اصحابك و تتمشى
ولما يبكى ...
تتفرز و تتعصب
واضمه لصدري ولقلبي
واناغيك .. واناغيه
واشوف كل ملامحك فيه
يا حلوه امي واخواتي حلفوا ...
وقالوا لى ...
مهرك يكون الماظ
وعقد الحلوه م اللولى
وقالوا لى ...
صحيح انت رضىتى انى
اكون راجلك
واكون فارس لاحلامك وايامك

يا فرحة دنيتي بيه

هقوم واصحه من النجمه

واشد حزامي على ضهري

ولما ارجع ...

الاقيك طاله من الشباك بتستنى

ونتعالب ونتصالح

ونتصالح ونتعالب

واشوف فيك غيره الستات

صحيح انت رضيتي ...

اكون رجلك*

هبنى لك كل يوم غيه

واشبع فيك ملاغيه

تدوب الروح

يا روح الروح

لو عينك تيجى فى عني

الارهاب

مين قال انك طالع الجنة

ومن قال لك ...

البس حزام ناسف

وفجره فى حنا

لو انت مسلم صحيح

ومرادك الجنة

هناك القدس محتله

وهناك بنات الحور

واقفين عليك بالدور

كل من تريد خيالها *

احمى وطنك

خلى ايدك ع الزناد

خلى صوت الحق يعلى

ع المأذن فى البلاد

قول لهم ايوه هدافع

ارضى مقبرة الغزاه

دم اخويا ما يروح هباء

خلى علمك دايمًا ...

مرفرف فى السماء

ابعت رساله قول لهم

مصرى واقف ع الحدود

سيب وصيه عند اهلك

قبل ما تفكر تفوت*

استعمرينى

استعمرينى واشعلنى ...

فى حدائقى نارك

فكل الرجال استبددت

وكل الرجال استعبدت

وكل الرجال استعمرت

فما اجمل استعمارك

يا هبة الله الى قلبى

سلى قلبى المجروح وضمينى

انا بين يديك كما ...

العنقود المفروط فلمينى

واستعماريڻى ...

فما اجمل استعمارك *

30 يوليو

ثوره ...

والبلد واقعه

ضمينا يا ساقعه

بتفكرينا ليه

خدنا ايه م الثوره ...

غير البكا والنوح

ضمضنا جروح بجروح

و اللى رفع العلم

كان فى الميدان مدبوح

بتفكرينا ليه

جابوا لنا (شيبوب)

وقالوا عنتره

فتح لنا صدره للهوى

انا..... وانا

وجاب لكام واحد دواى

سيف العدالة اللتوى

قسم البلد نصين

ما بين ... وماوبين

ما بين ارهابى وارهابى

وانا الى باصلى واصوم

قالوا عليا علمونى

لبسوا توبى واتعريت انى

و عشت بضره موجوع

وعيالى ماتت جوع

لا ماى .. ولا كهرباء

لا امن .. ولا امان

عشنا فى غايه

وقردها سجان

بتفكرينا ليه

انا قولت لك

متسقايش للى جاى

اصل اللى راح انهبل

من كتر تسقفنا

تلاتين سنه

شفنا معاه المر وقرفنا

شهر بطابور العيش

لجل نعيش ما عرفنا

قطعوا شهادتنا...

وخلونا بين الدول حفاى

يهنا الله ما يسوى

و الله يشوفنى ...

مصرى مسكين

كان الله فى العون

وانا اول شعب ...

انظلم فى الكون

علوا هما وبقيت انا الملعون

واخواتى عند الغرب ...

يغسلوا صحون

بتفكرينا ليه

هيفجرونا بايه

بالتقابل بطلقات الرصاص

بالصواريخ الذكيه

والصواريخ الالبيه

والصواريخ الغبيه

انا ماه ما اكون ...

عمرى ما اغدر او اخون

انا ماه ما اكتب او اقول

انا لومليت كل السطور

موش هعبر ...

ع اللى ساكن فى القلوب

مش هجفف دمع ام ...

ابنها مات ع الحدود

او اطيب جرح اب ...

دمعه سايل ع الخدود

هودينكم انه دين

احنا دينا دين محمد

وانتوا لكم الف دين

دين بيقتل

دين بيرهب

دين مافهش مواحدين

ثوره والبلد واقعه

ضمينا يا ساقعه

بتفكرينا ليه *

انا الرئيس

انا الرئيس القادم لمصر

خلوا ايديكم جوى ايدى

الجنيه راح يبقى...

اقوى م الدولار

كل واحد م الغلابه

له وظيفه وعنده دار

انا الرئيس ...

وانا صاحب القرار

كفته وكباب على الفطار

و مافيش غدا ...

يبقى العشا كفيار

انا الرئيس القادم لمصر

سأفوا لى

وهللوا لى

كل الاغانى هتبقى لى

تتمنوا ابقى العمر رئيس

ومصر احلى من باريس

ما فيش سجون
فيه مشاقق للى...
يغدر او يخون
كل واحد كان فقير ...
فى عهدى راح يصبح غنى
والبسه
واهندمه
واعيشه
وعمره ما يرجع غبى
حتى اللى خان
فى عهدى راح يصبح وافى
انا الرئيس القادم لمصر*

فراق الحبيب

ليه اخترت نتفارق
وكان قلبى ما بين ايدك
وكان همسك
وكان نبضك
وكان عيدك
ودم بيجرى فى وريدك
ف ليه اختارتى ...
نتفارق يا ست الحسن
وتبعد سكة الاحلام
ان لا عملت لك حاوى
ولا واد جن ومخاوى
ولا كدبت ع الايام
صبرت صحيح ...
على بعدك
دقوت فى العسل مرك
ولافكرت انى انساك

اهى بكره قصه تحكيها
فى دنيا براح
لواد ساعتها بتشاقا
يغازل بنت مشتاقه
فسبها وراح
ف ليه يا حبيبتي نتفارق
ويبقى ما بنا ملام
ما يمكن صدفه نتقابل
ويبقى ما بنا كلام
فخلى انت الطابق مستور
محناش عرايس ورق ...
متعلقه بخيوط
تعيش انت على الذكرى
وانا ادفع ضريبه موت *

مجنونه

حلت ضفائرها...

وقالت اللقى عليا...

تعاويز الشعر

ف ألقيت

رفعت ثيابها

ووضعت قداميها ...

على صدر البحر

فنبت الشاطئء وردا *

اسرائيل

لا صلّوا ولا صاموا

ربك رماهم فى الجحيم

شارون لا عاش ولا ميت

ما تهبى يا فلسطين

فينك صلاح الدين *

الحبيه نوال

البنت دى نونا
حلوه بس مجنونة
حنانها من حنان امى
وطيبة قلبها لامى
(باسم الله) سميت
وسميت الحلوه ...
باسم امى
تضحك ...
تلاعبنى ملك وكتابه
يا بنت الدنيا كدابه
وكل ملك مملوك
الا الملك ...

مذكور فى كتابه

طريقك يكون واحد

رب العباد واحد

ولا يهزك فى يوم واحد

يا بنت الايه ...

باحبك موت

اعدى الصعب لك وافوت

اعدد لك ايات دينى

تعندينى

تبوسينى

تضمينى

باحبك موت*

آه منها

لو عندك صحيح دين

كنت ارحمى دينى

شاعر وعابر سبيل

يا حلوه دلينى

عنقود دهب وانفرط

ع الارض لمينى

هكتب لمين الشعر

ومين يقرأ دواوينى *

لما اموت

ابقوا قولوا

مات واحد م الغلابه

كان مع اولاد اللائمه

مات وسبها للديابه

اللى هيقول كان امير

واللى هيقول عاش فقير

و اللى هيقول كان الاتى

واللى يقول بسكر يوماتى

وانا نايم مرتخى

لا عند خوف من حساب؟

ولا عندى خوف من عذاب؟

كنت اصلى

وكننت اذكى

وكننت اصوم

كان ليا ورد فى كل يوم

طلعت منها بايدي فاضيه

وكننت عايش ...

فيها برده وهى راضيه

كنت اكلها بلقمه حاف

ولا عندي شىء ...

علشان اخاف

بس قولوا ...

مات واحد م الغلابه

وكل خلق الله هتعرف

كان يحن لحضن امه ...

وقهوه سادة وصوت ابوه

كان بيبكى ذى طفل

لما راحوا فى يوم سابوه*

يا ام العيون السود

ما تزوديش وجعى

لو كنت اد الحب

فاتحملى دلعى *

طب خلى ايدك

ع الوجع يمكن يطيب

موش كنت دايمما تحكى لى

انك لقلبى تكون حبيب

وانك لروحى اقرب قريب *

انتقام

لما انت ناويه تدبحينا

كنت قولى ...

وادبحينا بانتظام

نقطة الدم الى تنزل

لونى بها الاضافر

وارسمى قلبين ...

وخنجر ع الجدار

ممنوع جلب الصغار

المسرحيه هتبتدى

ولحظه يرتفع الستار

المؤلف شكسبير

وجتارا ...

بعزف الناي الحزين

و زباره ...

جايب ربابته

على جنتى بيقول امين

ممنوع الجمهور يسقف

او حد يسأل ...

البطل ده يبقى مين

المسرحيه هتبتدى

ولحظه يرتفع الستار*

يا رب بيت

حلمت مره ببيت
جيت رسمته ع الورق
جدرانه خاليه من الوجع
ضحكوا الولاد ...
وكل واحد
شاور بايداه ع المكان
هنا هنا ...
والتانى قال هلعب هناك
ورسمت قبله ...
وفرشت سجادة صلى
ولبست توب الاوليه ...
والعارفين بالله
ولانى مؤمن (بالاله)
شاور شيطانى من بعيد
يخرّب (مطنك) يا جدع

ازى ضحكت على الحكومه

ورسمت حلمك ع الورق

ازاي هربت من القلق

وا تجمعوا الشياطين عليا

لازم نزيل ...

هي فوضى...

تحلم بقصر ...

وغيرك انت فى عشه غاب

وانا اللى حالم يوم ببيت...

ويكون له باب

ويذقوا فيا ...

اذوق فيهم

يشدوا فيا...

اشد فيهم

دا حلم مرسوم ع الورق

والله مرسوم ع الورق

والله مرسوم ع الورق*

الشيطان

خليني فى ذهنك ...

و فى راسك

اقتلنى بغدرك ...

ورصاصك

اقتلنى وعرف ...

شياطينك

وادارى فى ...

عباية دينك

لو ميت جواك ...

احساسك

اسأل اهلك

اسأل ناسك

باضرب حنا

واقتل مينا

وادبح اخويا ...

اللى بيحمينا

خلينى ف ذهنك ..

وفى راسك*

عاوز تموت

لو فكرت يوم فى الموت

تعالى وموت. عندينا

عندى لك (100) موته

تعالى بس واتأنه

مغسل وضامن جنه؟

تموت غرقان

تموت هفتان

تموت م الجوع

تموت موجوع

ماهيش فارقه

فما تفكرش

لو ميت تموت تانى

تعالى هاخدها من قوتك

ميت ودافع تمن موتك

فما تخفش

دا اجمل موته عندينا

فى لحظه تكون افندينا

تلاقى الخلق تدعى لك

فما تروحش

ناس تقول انك والى

وناس تقول انك تقى

وما بتركعش*

البطاطس

انا راجل معجبانى

والبطاطس فيها حاجه محيرانى

عفريت ركبها فى الصوانى

عشقها كما لحمه ضانى

ذنبى ايه ان كنت ...

راجل معجبانى

الذنب جبتوه ع الخضار

ع البطاطس والخيار

وانا جيبى فاضى ليل نهار

العقل منى يا خلق طار

والكل موجود فى انتظار

وعيال فى بيتى عامله ظار

انا راتبى معدوم الضمير

لا اكلت منه لحمه ضانى

ولا كفا يوم لفول حمير

وكل واحد فى البلدى ...

صار خبير

من عند بيع البطاطس

لحد عجان الفطير*

العشق الحلال

تتجوزينى يابنت
اكتب لك عمرى مهرک
ولاوافکر يوم فى هجرک
واکون راجل انتهازى
او شخص برجوازى
ولا حد يشوفش ضافرك
هتشوفى السعد كله
وهکون بستان وفله
اللى له حبيب يقوله
تتجوزينى يا بنت*

هجر الحبيب

قولت لى يوم وراجع

يوم يومين ...

لا رجعت ولا جيت

ولانامت عيوني ...

حتى اشوفك

فى خيالى ولا غفيت

انت راحلت ونسيت

لا لا. انت قسيت

علمتنى حتى البكا...

على صدرك

جيت ابكى...

يوم لحالى وما بكيت

وانت يا ما ويا ما با ما

جيت بكيت

وانا يا ما مسحت ...

دمعك ما شكيت

انت راحت ونسيت

لا لا انت قسيت *

نصيبك كده

حسبت نفسك زلم

واحنا اللي نسوان

وعملت نفسك بطل

اكبر بطل

واحنا اللي اقزام

و تقلت نفسك بالذهب

واحنا اللي ما نسواش

من بعد نوم الخريز

نمت على اردء فراش*

غنى امى

كل شيخ وله طريقه

الا امى طرقها الغنى

كانت تدندن ...

وقت نومي فى حجرها

تطبطب على جسدى النحيف

ايدى اللى ضمه خصرها

عيل على كومة بنات

خوفها من اخويا اللى مات

لفت بى كل جوامع البلد

شقت صفوف الخلق ...

من بعد الصلا

حتى فى ضريح ...

سیدنا الحسین

م الحبی خطیت خطوتین

فیه ست خرسه ز غرتت

وست تانیه ...

م الفرحة قامت صوتت

والتالته قصت جدایلها

ورمتها علی ظهر الضریح

شالله یا بن بنت النبی

وجالنا جوز م المجزوبین

الواد دا راح یصبح ولی

شالله یا بن بنت النبی*☹

جرح تانى

راجعہ تانى ...

تفكرينا بالجراح

ولا جاہ تدرى

على حب راح

انا زى الفل واكثر

ايوہ كنت تعبت حبه

ايوہ كنت ...

أسيت فى بعدك

واتوجعت كثير فى حبك

لما شفت فى الحقيقه

ان حبك معركة

ان حبك كله زيف

الى انطعن منك بخنجر

والى اندبح منك بسيف

فاطمنى يا حبيبتى

لسه باكتب ...

لسه عايش

كسرى كل الغوايش

لمى قصايدك ...

والرسايل

والصور

اعلنى انت الحقيقه

اعلنى انك بريئه

اوعى يوم تترجى تانى

حد يعرف منتهاه

هو مين اترجى ميت

انه يرجع للحياه *

اتبسمی

كل ابتسامه بالف طعنه

كل نظره بالف معنى

حبك يا حلوه خلاص

اتحددت له ملامح

قلبي الى كفر بالحب

لا بيغفر ولا يسامح*

لو سألوك

يا حبيبى لو سألوك...

عن الحزن اللى فى عيونك

او الدمع اللى مالى جفونك

قول ان حبيبك مات

ما بعدك عنى اصلا موت

جسد مرمى جوى تابوت

وروح سابحه فى الملكوت

المجلس البلدى

انهد حيلى خلاص

وراس مالى راح

اشكى لمين يا خلق

وقلبى كله جراح

رزق العيال انبدر

ما عتش فيه افراح

اشكيك لمين يا وطن

والجرح سارح فيك

اصرخ وقول يا وطن

وانا بروحى افديك

انا قولت لقمه حلال

احسن ما امد الايد

بیرم کتبها زمان
ع المجلس البلدى
و د معى سال اليوم
على خدى يا ولدى
ليه الفقير منبوز
ليله ما بيعدى*

صورة حبيبتى

مسحت اخر صوره لها

من البوم الذكريات

وكأنى باشيل قلبى

المجروح من شراينه

ما هو عمره ...

ما كان كافر بالحب ودينه

وكان الصوره بتتكلم ...

للايد الممدوده حرام

اجرام

ان كنت بتمحبنى

وبايديك كنت تحنبنى

من شهدك كنت بتروينى

دانا كنت حكاية حب وشوق
وحروف مكتوبه على جبينى
طب حاسب وانت بتمحبنى
لا دموعك تنزل تكوينى
ونظرة عينى تكون جارحه
فتسبنى فى دنيتك سارحه
عروسه ولسه بالطرحه
تجبنى وتقتل الفرحة *

العيد أتأخر 2019

موش فارقہ يوم
ماهو كل يوم بيوم عيد
شعب هايص
شعب بيموت في الهجايص
شعب شايلين له المراره
شعب رافعين له الحراره
عبي همك في الشيكاره
خلي رمزك جوى عبك
اوعه اخوك يخطفها منك
ولا تعطيه الاماره
تبقى تربطها بضباره
شعب واخذها بجداره
عيد يجي لك.. عيد يشيك

عيد يحطك .. عيد اما يخذك

عيد عليك وعلى اللى منك

عيد على بنتنا الاماره

عيد على بلاد الحضاره*

حکومه 2010

يا ولاد الحلال
فيه فلوس تايه
اللى يلقاها يجبها
الحكومه وهى راحه ...
تتخذ قرار
وهى راكبه ع الحمار
سقط منها كام مليون دولار
الحمار شقها وطنش
وانامالى
الغلف بيجى يوماتى
رد عليه حمار زميله
حرام عليك ...
دى فلوس غلابه
وناس يتامى
وناس بتشقى ليل نهار
حرمت عليك عشتك حمار

دى حكومه منها فيها
و الحسيه باختصار
ما ناقص منها دولار
عاوزنى اقول
من بعد ما ابقى
حمار حساوى
يعلقونى من الخصاوى
طب اقول لك سر
ومحكك سر
انا عارف اللى خدهم
واللى شالهم .. واللى عانهم
بس انا غمضت عينى
وانا مالى
الغلف بيچى يوماتى
ويندهوا لى يا حصان
هتعيش حمار

وتموت حمار
ملعون ابوك اسمع بقى
لو يضربوك او يجلدوك...
او يسألك
مين اللى قال ...
او عاك تقول
خليك قوى
خليك عزيز
قول لهم دا (الشاعر عجيز) *

ايام زمان

صباح الخير يا صاحبي...

على ايامك الحلوه

صباح الخير على الغنوه

على اصحابك ولمتهم

وسهرتهم لحد الفجر ما يجي

ويطلع على للمادنه

وحشنا كثير ...

صوت ابوك وامك

وابوك يحلف ...

يمين بيمين ما تمشوا وتتعثوا

حزمه سريس وحتة جنبه...

وطباقين فول و طعميه

وعشرين ايد...

ممدوده ع الطبلية

وصوت الضحكه ممدود

لحدا تقول قول

بيوتنا يا عم فقرانه

لكن بالحب عمرانه

صحيح الغربه سرقانه

لكن قلوبنا دفيانه

ملعونه الغربه ...

لو مليانه ذهب فى ايديك

عد اصحابك واحد واحد

شوف كم واحد منهم عاش

عجبتك الغربه وعيشة الاوباش

قلبي اليك .. ملعونه الغربه

لو مليانه ذهب فى ايديك *

عائلة عجيز

محروسين...

متجمعين عند (النبي)

ومعاكوا كل الاوليا

وتحجوا بيت (الله)

بحق شهر (الله)

الصلب م الاشراف

دا موش كلام عراف

سلسالنا جبة م النبي

من فاطمه الزهراء

والنسل كان من (على)

ما صلى للاصنام

بسيفه كاد العدل

هازم الكفار

سموا فى زمانه حيدر

حيدر الكرار

وكسبنا منه الكرم

وعدينا به الاشرار*

داعش

اكره اكون ...

انسان مستبد

امشى فى مظاهره

اشمر دراعى

اهتف اهد

احب المناهده

و ستى اللى شاهده

على اخر معاهده

ما بنا وبنهم

سنينا اللى عدت

واخذت ما ادت

سبتنا فى مغاره

بناتنا الاماره

سبایا لجیوشهم

وداعش علینا

بتقبض قروشهم

بتاكل فى قوتنا

وتحرق قلوبنا

تراهن بموتنا

تأكلنا الديابه*

امى

امى لا تبكى
اذا مر القطار ولم اعد
لا تسألين ...
صدأ هذا ام مطر
ام اغنية علقت فى وتر
مازلت ابحت فى الورق
حتى فى بطاقات السفر
عن قلب تائه العنوان
ام ان عدت لا تسألني...
عن غدا
فغدا ضاع بين محطات السفر
ضاع مع امرأه لها قلب...
من زجاج فانكسر
ما زلت ابحت عن خلاص
ما زلت انتظر القطار
فغدا اعود
غدا اعود*

شهداء المسجد

موجوع من يوم الجمعة
والقلب يأن أنين
ينزف من جوه يا خال
على شهدت فى غمضة عين
غربان البين اهى حامت
ما عرفنا طريقها منين
تكبير من قلب الجامع
وصريخ اطفال وانين
دموع نزلت ومواقع
وملايكه هناك شاهدين
سجاد الارض اتلون
من دم البنأدمين

افتح كراسك يابنى
سجلنى من الشاهدين
لابس افارول وبياده
والتار راح اجيبه بزياده
كاتب على صدرى شهاده
بتنادى لمين يا ضريح
مرمى ع الارض جريح
صاعدت للسما تسابيح
نزلت م السما تفاريح
شبابيك الجامع انت
والارض بدمى اتحنت
وبنات الحور اتهمت
موجوع من يوم الجمعه*

بَعْنَا الْخُرُوفَ

ملعون ابوك يا دولار
بَعْنَا الْخُرُوفَ وَالْدار
بطاقتي منسيه
يا شله حراميه
فكرنا م الحرافيش
فى جيشى كنت شاويش
متفوقى يا حكومه
احنا الغلابه يا ست
م الهم صح سكرت
خرجتنى من صمتى
ملعون ابوك ياسكات
مشتتى بعصايا
وانا لسه فى صبايا
متفوقى يا حكومه
الخلق شقيانه
عايشه وتعبانه

دم الغلابه سال
والبنت بالخلخال
حلفت براس الخال
ما ف يوم هتتجوز
ومنين هتتجهز
ما تفوقى يا حكومه
يا برلمان اتكسف
ما كل شىء انكشف
ظهرت الاعيبك
خليك على عيبك
محناش كمالة عدد
طالبين يا رب المدد
ما تفوقى يا حكومه*

سيجال

هو ...

عشائك مش

هكتب شعر من تانى

ولو حتى ...

شيطان الشعر يترجاني

واذا ع الحب يا حلوه

بلاها حب وامانى

مدام قلبى ...

بدل ماجنى بامر الحلوه

كان جانى

وترجى تبكى من تانى

هى

ورب الحب

وحق النعمه وعنيه

ما حبتنى ولا جتنى

ولا بدرت ...

بذور الحب بجنتنى

هو ...

ورب الحق كدابه
مدام فى الحب كياه
واذا ع البعد يا حلوه
شربت المر وزياه

هى ...

صدقت كلامك المعسول
وكنت يا حلو اد القول
وجتنى لحدى تترجى
فى محرابى تصول وتجول

هو

انا اللى بانيت محرابك
وجيت واقف على بابك
وليه يا حلوه بتعندى
مادمت عارفه مقدارك

هى

ومقدارى تروح ما تجيش
دا لو كنت فى جيشنا شاوئش
معلق كام شريط ع الكتف
انا يا حبيبى ما اتهددش

هو

سمحت الكل الاك
فافعلنى كل ما بداك
ما عتش تانى هستسلم
و اكون ميت فى هواك

هى

ما عتش هواك يرد الروح
ما كان قلبى ما بين ايدك
وكله جروج
ولما جانى فى يوم الحزن
نستنى حبيبى
وقولت هاروح

هو

دا كان لازم فى يوم ابعـد
وكنـت اكيد فى يوم هـعند
عشان قلبك بالرخص باعنى
و غيرك بالذهب خدنى*

يا مصريه

عينى عليك

عايشه ومرضيه

حبسه الدموع فى عينك

شايته الوجع بايديك

صابره يا مصريه

متحملة وزياده

وقهوتك ساده

فى الشده سداده

عينى عليك

عايشه ومرضيه*

الراجل الطيب مات

من اربعين سنه فاتوا

كان فتح بيته

لكل عيال الحى

كان راجل حى

بيحب الضيف

كان نسمة صيف

صغار

فى بيته نملى الحوش

نتفرج ع التلفاز

كل الناس عنده عزاز

لكن بيته ماكنش قزاز

كان قش

مش هـش

بتعشش فيه كل طيور الله

كان بيت مستور

جواه كنا نلف نور

واللى بيحى عليه الدور

يقعد ع الكرسى المكسور

كان راجل حى

كان فاتح بيته

لكل عيال الحى*

قضاء الله

انا مش بعارض الموت

لا نومي جوه تابوت

يوسف ماكان فى الجب

ويونس فى بطن الحوت

والرب فى الملكوت

ليه ابتلى ايوب

ما تقولى يا ناعسه

ليه صابره ع المكتوب*

محتوى الكتاب

2.....	بطاقة الكتاب
3.....	إهداء
4.....	انا ذنبى ايه
5.....	ثورة 25 يناير
10.....	ايوه عسكر
11.....	الاسعار
12.....	مكالمه ام الشهيد
15.....	كلام امى
16.....	حب الرسول
18.....	صحوة ضمير
20.....	(2)
26.....	آسف حبيبتى
28.....	سوريا
29.....	صورة الحبيبه
30.....	الى حبيبتى ام اولادى
34.....	الارهاب
35.....	احمى وطنك
36.....	استعمرينى
38.....	30 يوليو
44.....	انا الرئيس

- 46.....فراق الحبيب
- 48.....مجنونه
- 49.....اسرائيل
- 50.....الحبيه نوال
- 52.....آه منها
- 53.....لما اموت
- 56.....انتقام
- 58.....يا رب بيت
- 60.....الشيطان
- 62.....عاوز تموت
- 64.....البطاطس
- 66.....العشق الحلال
- 67.....هجر الحبيب
- 69.....نصيبك كده
- 70.....غنى امى
- 72.....جرح تانى
- 75.....اتبسمى
- 76.....لو سألوك
- 77.....المجلس البلدى
- 79.....صورة حبيبتى

81.....	العید أتأخر.
83.....	حکومه 2010
86.....	ایام زمان
88.....	عائلة عجیز
89.....	داعش.
91.....	امی.
92.....	شهداء المسجد.
94.....	بعنا الخروف
96.....	سیجال
100.....	یا مصریه
101.....	الراجل الطیب مات.
103.....	قضاء الله
104.....	محتوی الكتاب